

Padze 1

In passèn dézò an CLENDÀ, in RAT n'a écolcha-se la PÉ.

Padze 2

Lo rat va in tsé lo COLDAGNÉ é lle dit :

« Coldagné, pé plézi, remenda-mè la pé que n'é écolcha-me in passèn dézò la clenda ! ».

« Ouè, tracasa-té pa ! » lle répón lo coldagné « Can mémo pé so n'é fata di SÉE dou gadén ».

Page 3

Lo rat va in tsé lo GADÉN é lle dit :

« Tchoutcho, pé plézi, bailla-mè eun tchéca dé sée pé lo coldagné ! ».

« Ouè, tracasa-té pa ! » lle répón lo gadén « Can mémo pé so n'é fata d'an mia dé FAEUNNA ».

Padze 4

Lo rat va in tsé lo MOLENÉ é lle dit :

« Molené, pé plézi, bailla-mè an mia dé faeunna pé lo tchoutcho ! ».

« Ouè, tracasa-té pa ! » lle répón lo molené « Can mémo pé so n'é fata d'an mia dé FROMÈN ».

Padze 5

Lo rat va oitre i TSAN de fromèn é lle dit :

« Tzan de fromèn, pé plézi, bailla-mè an mia dé fromèn pé lo molené ! ».

« Ouè, tracasa-té pa ! » lle répón lo tsan de fromèn « Can mémo pé so n'é fata dé tchéca dé FEMÉ, pé fae crèitre lo fromèn ».

Padze 6

Adòn lo rat va in tsé la VATSE é lle dit :

« Vatse, pé plézi, bailla-mè tchéca dé femé pé lo tsan dé fromèn ! ».

« Ouè, tracasa-té pa ! » lle répón la vatse « Can mémo pé so n'é fata dé tchéca dé FEN ».

Padze 7

Adòn lo rat va tanque i PRO é lle dit :

« Pro, pé plézi, bailla-mè tchéca dé fen pé la vatse ! ».

« Ouè, tracasa-té pa ! » lle répón lo pro « Can mémo pé so n'é fata d'an mia d'ÉE, pé fae crèitre l'elba ».

Padze 8

É lo rat va oitre tanque ou RU é lle dit :

« Ru, pé plézì, bailla-mè tchéca d'ée pé lo pro ! ».

Padze 9

Adòn lo RU baille l'ÉE ou RAT que lo polte i PRO ;

é lo PRO lle baille lo FEN que lo rat polte a la VATSE ;

é la VATSE lle baille lo FEMÉ que lo rat polte i TSAN dé fromèn ;

é lo TSAN dé fromèn lle baille lo FROMÈN que lo rat polte ou MOLENÉ ;

é lo MOLENÉ lle baille la FAEUNNA que lo rat polte ou GADÉN ;

é lo GADÉN lle baille lé SÉE que lo rat polte i COLDAGNÉ ;

é lo COLDAGNÉ lle remende la PÉ que lo RAT n'ae écolcha-se in passèn dézò la CLEENDA !